



# Գրիգոր Զոհրապ

## Անծանոթը

Փողոցին մեջ կերթար, կարծես կը սահեր,  
Հուշիկ քայլով, դանդաղ, գրեթե շփացող,  
Դեմքը կազե լաշակի մեջ կը պահեր,  
Պատմուճան մը ուներ հովեն ծըփացող:

Աղվո՞ր, տգե՞ղ, ինչ փույթ. բավեց որ մտքես  
Մարմին մը տամ ես ուզածիս պես իրեն,  
Վրդովիչ հով, պշրանք մը լուռ, վերջապես  
Ամեն բաներն որոնց համար կը սիրեն:

Ու տարիներ սրտիս խորքը ջանացի  
Պահել գինքը մասունքի պես, և մե՛կուն  
Չըսի անոր հրապույրները կանացի  
Որ գիշերներս ըրին խռոված և անբուն:

Ի՞նչպես եղավ, ո՛վ երագի ծնունդ կին,  
Որ ըստուգիվ մարմին առած, խրոխտ ու վես,  
Դեռ անցյալ օր թատրոնի մը հոծ մուտքին՝  
Չճանչցողի մը պես անցար իմ քովես:

1900